



**ODLUKA**  
**o sufinansiranju kulturne manifestacije od posebnog interesa za Grad Sarajevo**  
**"22. Jazz Fest Sarajevo 2018"**  
**(prijedlog)**

**Predlagač: Gradonačelnik Grada Sarajeva**  
**Obrađivač: Gradska služba za obrazovanje, kulturu,**  
**sport i mlade**

**Sarajevo, juni 2018. g.**



Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), te člana 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo ("Službene novine Kantona Sarajevo", broj: 15/08, 3/10 i 29/12), Gradsko vijeće Grada Sarajeva, na sjednici od \_\_.\_\_.2018. g., donosi:

(prijedlog)

**O D L U K U**  
**o sufinansiranju kulturne manifestacije od posebnog interesa za Grad Sarajevo**  
**"22. Jazz Fest Sarajevo 2018"**

**Član 1.**

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, "22. Jazz Fest Sarajevo 2018", koji će se održati u periodu od 31.10. - 03.11.2018. godine, uz finansijske obaveze Grada Sarajeva, u ukupnom iznosu od 8.000,00 KM.

**Član 2.**

Sredstva iz člana 1. Odluke namjenski se usmjeravaju za sufinansiranje troškova organizacije Festivala.

**Član 3.**

Sredstva se odobravaju iz Budžeta Grada Sarajeva za 2018. godinu („Službene novine Kantona Sarajevo“, broj 1/18), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

**Član 4.**

Gradonačelnik Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

**Član 5.**

Za realizaciju ove Odluke zadužuje se gradonačelnik Grada Sarajeva.

**Član 6.**

Odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAVALJUĆI GRADSKOG VIJEĆA**  
**GRADA SARAJEVA**

**Igor dr. Gavrić**

**Broj:**  
**Sarajevo, \_\_.\_\_. 2018. godine**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

### **RAZLOZI DONOŠENJA**

Udruženje „Jazz Fest“ Sarajevo, uputilo je Gradskoj upravi Grada Sarajeva zahtjev za sufinansiranje kulturne manifestacije od posebnog interesa za Grad Sarajevo, "22. Jazz Fest Sarajevo 2018", zaprimljen pod brojem: 01-14-5892/17 od 21.11.2017. godine. Povodom predstojećeg Festivala, a koji bi se trebao održati u periodu od 31.10. - 03.11.2018. godine, Udruženje „Jazz Fest“ Sarajevo je, uz zahtjev za sufinansiranje pomenutog Festivala, dostavilo i projekciju prihoda i rashoda Festivala, te drugu potrebnu dokumentaciju. Navedeni iznos visine sredstava planiran je za sufinansiranje troškova organizacije Festivala.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije, te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sastanku od 10.05.2018. godine razmotrio prijedlog nadležne Službe, te shodno valjanosti, značaju i kvalitetu ponuđenog programa, svoje stručno mišljenje, kao i prijedlog visine sredstava uputio na dalju proceduru

Međunarodni muzički festival „Jazz Fest“ Sarajevo svake godine daje aktuelni pregled raznovrsne i bogate svjetske muzičke scene, a njegova aktuelnost ogleda se u redovitoj praksi predstavljanja evropskih i svjetskih premijera najznačajnijih umjetnika našeg vremena, uz predstavljanje značajnih umjetnika mlađe generacije. U 2018. godini bit će predstavljen treći dio „trilogije“, a John Zorn, jedan od najvećih živućih kompozitora, će nastupiti sa različitim ansamblima iz Sjedinjenih Američkih Država, uz evropske i svjetske premijere projekata. S ciljem podsticanja stvaralaštva u oblasti muzičke umjetnosti i saradnje među mladim stvaraocima iz zemlje i regije bit će organiziran edukativni program Music Meeting. Programi Jazz Festa utiču na afirmaciju i promociju domaćeg stvaralaštva, bh. kulture i muzičkog nasljeđa, ali i aktuelnih projekata bh. muzičara koji će i ove godine biti predstavljeni u okviru festivalskog programa Late Nite Stage. Imajući u vidu visoku umjetničku kvalitetu, te da ova manifestacije predstavlja kulturni projekat od posebnog interesa za grad Sarajevo, Gradsko vijeće Grada Sarajeva je shodno Odluci o utvrđivanju i sufinansiranju kulturnih manifestacija od posebnog interesa za Grad Sarajevo, donijelo ovu Odluku.

### **FINANSIJSKA SREDSTVA**

Finansijska sredstva za realizaciju ove Odluke obezbijedena su u Budžetu Grada Sarajeva za 2018. godinu.



## Savjet za kulturu

Broj: 01 /18  
Sarajevo, 10.05. 2018. godine

### GRAD SARAJEVO

N/R gospodin mr. Abdulah Skaka, gradonačelnik

**PREDMET: Stručno mišljenje Savjeta za kulturu Grada Sarajeva za dodjelu sredstava organizatorima kulturnih manifestacija od značaja za Grad Sarajevo**

Na osnovu člana 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo („Službene novine Kantona Sarajeva“, broj 15/08, 3/10 i 29/12), a u vezi člana 6. Poslovnika o radu i Kriterija za utvrđivanje /prijedloga/ visine iznosa sredstava Grada Sarajeva za realizaciju programa kulturnih manifestacija od posebnog interesa za Grad Sarajevo, Savjet za kulturu Grada Sarajeva daje sljedeće

### Mišljenje

Predlaže se gradonačelniku Grada Sarajeva, na osnovu valjanosti, značaja i kvalitete predloženih kulturnih manifestacija, dodjela finansijskih sredstava apilikantima kako slijedi:

1. MESS, internacionalni teatarski festival – 11.000,00 KM
2. SVEM, Sarajevske večeri muzike – 12.000,00 KM
3. Balet fest – 12.000,00 KM
4. Jazz fest – 8.000,00 KM
5. Sarajevska zima – 7.000,00 KM

S poštovanjem,



### Dostavljeno:

-naslovu  
-a/a

Adresa: Hamdije Kreševljakovića 3, 71000 Sarajevo, Bosna i Hercegovina  
Tel: +387 33 443 300, +387 33 443 252; Fax: +387 33 208 341  
e-mail: grad@sarajevo.ba; web: www.sarajevo.ba



EYOF 2019  
Sarajevo & East Sarajevo

## **Zapisnik**

### **Savjet za kulturu**

**Redni broj sjednice: 1/2018**

**Datum: 10.05.2018. godine**

**Mjesto: Kabinet zamjenika gradonačelnika**

**Vrijeme: početak 10:00, završetak 10:40**

#### **Prisutni članovi Savjeta:**

1. Prof. Ivica Šarić, predsjedavajući
2. mr. Amina Deljković
3. Dragana Solaković

#### **Odsutni članovi Savjeta:**

1. Milan Trivić, opravdano
2. Erna Čolić, opravdano

#### **Sjednici prisustvuje:**

1. Tarik Zečić, sekretar

#### **Dnevni red:**

1. Usvajanje Poslovnika o radu Savjeta za kulturu uključujući i Kriterija za utvrđivanje /prijedloga/ visine iznosa sredstava Grada Sarajeva za realizaciju programa kulturnih manifestacija od posebnog interesa za Grad Sarajevo
2. Razmatranje predloženih manifestacija od značaja za Grad Sarajevo
3. Razno

Sjednicom predsjedava Prof. Ivica Šarić, predsjednik Savjeta za kulturu Grada Sarajeva.

Predsjedavajući je otvorio sjednicu predloživši dnevni red koji je jednoglasno usvojen.

### **Tačka 1. dnevnog reda:**

Pristupilo se razmatranju Poslovnika o radu zajedno sa Kriterijima za utvrđivanje /prijedloga/ visine iznosa sredstava Grada Sarajeva za realizaciju programa kulturnih manifestacija od posebnog interesa za Grad Sarajevo, koji je usvojen jednoglasno od prisutnih članova.

Savjet za kulturu usvaja sljedeći

### **Zaključak**

**Usvaja se jednoglasno Poslovnik o radu Savjeta za kulturu čiji sastavni dio su Kriteriji za utvrđivanje /prijedloga/ visine iznosa sredstava Grada Sarajeva za realizaciju programa kulturnih manifestacija od posebnog interesa za Grad Sarajevo**

### **Tačka 2. dnevnog reda:**

Mr. Amina Deljković je upoznala članove Savjeta o pristiglim aplikacijama organizatora kulturnih manifestacija, kojih je ukupno pet. To su MESS - internacionalni teatarski festival, SVEM - Sarajevske večeri muzike, Balet fest, Jazz festival i Sarajevska zima.

Posebno je dodala da su svi organizatori kulturnih manifestacija u skladu sa „Odlukom o utvrđivanju i sufinansiranju kulturnih manifestacija od posebnog interesa za Grad Sarajevo“ trebali, odnosno bili dužni najkasnije do 30. septembra 2017. godine aplicirati sa obrazloženim programom, planiranom finansijskom konstrukcijom i kompletnom dokumentacijom kojom se dokazuje ispunjenje općih i posebnih uslova, kako bi se mogla planirati sredstva u Budžetu. Pošto niko od organizatora to nije uradio, Služba je slala pozive da to učine. Tek nakon poziva prijavilo se pomenutih pet organizatora.

Pristupilo se razmatranju pristiglih aplikacija i ocjenjivanju, uzevši u obzir valjanost, značaj i kvalitet istih, te usvojene kriterije o načinu dodjele sredstva i samo bodovanje. Zatim se pristupilo prijedlogu stručnog mišljenja za dodjelu sredstava koje je jednoglasno usvojeno.

Savjet za kulturu daje sljedeće

### **Mišljenje**

**Predlaže se gradonačelniku Grada Sarajeva, na osnovu valjanosti, značaja i kvalitete predloženih kulturnih manifestacija, dodjela finansijskih sredstava apilikantima kako slijedi:**

- 1. MESS, internacionalni teatarski festival – 11.000,00 KM**
- 2. SVEM, Sarajevske večeri muzike – 12.000,00 KM**
- 3. Balet fest – 12.000,00 KM**
- 4. Jazz fest – 8.000,00 KM**
- 5. Sarajevska zima – 7.000,00 KM**

**Tačka 3. dnevnog reda**

Po ovoj tački nije bilo rasprave

Zapisnik sačinio Sekretar Savjeta

*T. Zečić*  
Tarik Zečić



## GRAD SARAJEVO

## Gradsko vijeće

Na osnovu člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), Gradsko vijeće Grada Sarajeva, na 37. sjednici od 29. aprila 2008. godine, donosi

## ODLUKU

O UTVRĐIVANJU I SUFINANSIRANJU KULTURNIH  
MANIFESTACIJA OD POSEBNOG INTERESA ZA  
GRAD SARAJEVO

## I. OPĆE ODREDBE

## Član 1.

Ovom Odlukom utvrđuju se kulturne manifestacije od posebnog interesa za Grad Sarajevo i način njihovog sufinansiranja.

## Član 2.

Kulturne manifestacije iz člana 1. ove Odluke su:

1. - Bašćaršijske noći;
2. - Međunarodni festival folklor;
3. - Sarajevo film festival;
4. - Internacionalni teatarski festival MESS;
5. - Internacionalni festival Sarajevo "Sarajevska zima";
6. - Internacionalni music festival JAZZ FEST Sarajevo;
7. - Teatar fest;
8. - Međunarodna književna manifestacija "Sarajevski dani poezije";
9. - KID 'S festival.

II. KRITERIJ I NAČIN SUFINANSIRANJA KULTURNIH  
MANIFESTACIJA

## Član 3.

Manifestacije iz člana 2. ove Odluke Grad Sarajevo će finansirati iz sredstava Budžeta Grada Sarajeva sa pozicije: Primjena Odluke o sufinansiranju kulturnih manifestacija od posebnog interesa za Grad Sarajevo.

## Član 4.

Finansiranje manifestacija iz člana 2. ove Odluke vršit će se u skladu sa općim i posebnim kriterijima i to:

## a) Opći kriteriji

1. registracija podnosioca zahtjeva za finansiranje kulturnog programa, odnosno manifestacije (ne starije od šest mjeseci);
2. identifikacioni broj i broj transakcijskog računa u poslovnoj banci (original ili ovjerena fotokopija);
3. prijedlog kulturnog programa, odnosno manifestacije, sa specifikacijom troškova neophodnih za realizaciju;
4. obezbjeđenje tehničkih, ljudskih i materijalnih uslova neophodnih za realizaciju planiranih aktivnosti;
5. finansijski izvještaj za prethodnu godinu, za one korisnike koji su dobili finansijska sredstva od Grada Sarajeva.

## b) Posebni kriteriji

- a) kvalitet i značaj ponuđenih kulturnih programa,
- b) kontinuitet ponuđenih kulturnih programa,
- c) stepen doprinosa afirmaciji bosanskohercegovačke kulture,
- d) uticaj ponuđenih kulturnih programa na širu društvenu zajednicu,
- e) uticaj ponuđenih kulturnih programa na međunarodnu promociju Grada Sarajeva.

- f) uticaj ponuđenih kulturnih programa na razvoj turizma u gradu Sarajevu i BiH,
- g) kulturni programi, koji odražavaju multikulturni i multietnički karakter Grada, kao regionalnog, kulturnog i privrednog centra.

## Član 5.

Organizatori manifestacija su dužni podnijeti zahtjev za sufinansiranje manifestacije, gradonačelniku/ci Grada Sarajeva, putem Gradske službe za obrazovanje, kulturu i sport (u daljnjem tekstu: Služba), sa obrazloženim programom, planiranom finansijskim konstrukcijom programa tj. manifestacije, kao i kompletnom dokumentacijom kojom se dokazuje ispunjenje općih i posebnih kriterija, i to najkasnije do 30. septembra tekuće godine, kako bi se mogla planirati sredstva u Budžetu Grada Sarajeva za narednu godinu.

## Član 6.

Programne iz člana 5. ove Odluke, Služba procjenjuje sa stanovišta značaja za Grad Sarajevo, odnosno njegovog posebnog interesa, u skladu sa kriterijima utvrđenim ovom Odlukom, te svoje stavove i mišljenje dostavlja Savjetu za kulturu, kojeg imenuje gradonačelnik/ca Grada Sarajeva. Savjet iz stava 1. ovog člana, razmatra predložene programe tj. manifestacije shodno valjanosti, značaju i kvalitetu istih, predlaže visinu iznosa sredstava neophodnih za realizaciju, te svoje stručno mišljenje, dostavlja gradonačelniku/ci Grada Sarajeva na dalji postupak. Konačnu Odluku o sufinansiranju kulturnih manifestacija donosi Gradsko vijeće Grada Sarajeva.

## Član 7.

- Grad Sarajevo, kao sufinansijer manifestacije ima pravo:
- uvida i aktivnog učesća prilikom utvrđivanja programskih opredjeljenja manifestacije;
  - na imenovanje jednog člana u Organizacioni odbor manifestacije.

## Član 8.

Organizatori manifestacije su dužni po završetku manifestacije dostaviti gradonačelniku/ci Grada Sarajeva izvještaj o namjenskom utrošku sredstava, shodno Odluci o izvršavanju Budžeta Grada Sarajeva.

Ostala prava i obaveze Grada Sarajeva utvrdit će se posebnim ugovorom gradonačelnika/ce Grada Sarajeva sa organizatorima manifestacija.

## III. PRELAZNE I ZAVRŠNE ODREDBE

## Član 9.

Nadzor nad provedbom ove Odluke vrši gradonačelnik/ca Grada Sarajeva, putem Službe.

Gradsko vijeće Grada Sarajeva, prilikom utvrđivanja Budžeta Grada Sarajeva za narednu godinu vrši periodično revidiranje opravdanosti finansiranja kulturnih manifestacija iz člana 2. Odluke.

## Član 10.

Finansiranje kulturnih manifestacija u 2008. godini vršit će se sa pozicije: Primjena Odluke o pokroviteljstvu, u skladu sa Odlukom o uslovima i postupku prihvatanja pokroviteljstva Grada Sarajeva, odnosno u skladu sa Pravilnikom o kriterijima za prihvatanje pokroviteljstva Grada Sarajeva.

## Član 11.

Gradonačelnik/ca Grada Sarajeva se obavezuje da u roku od 30 dana od dana stupanja na snagu ove Odluke formira Savjet za kulturu.



## Član 12.

Izmjene i dopune Odluke vrše se na način i po postupku za njeno donošenje.

## Član 13.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1157/08  
29. aprila 2008. godine  
Sarajevo

Predsjedavajući  
Gradskog vijeća  
Marin Ivanišević, s. r.

Na osnovu člana 24. stav 1. tačka 2. i člana 71. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), te člana 73. i 104. Poslovnika Gradskog vijeća Grada Sarajeva ("Službene novine Kantona Sarajevo", broj 16/98), Gradsko vijeće Grada Sarajeva, na 37. sjednici od 29. aprila 2008. godine, donosi

## ODLUKU

O DAVANJU SAGLASNOSTI NA LJUBLJANSKU  
DEKLARACIJU O ODNOSIMA IZMEĐU GLAVNIH  
GRADOVA I DRŽAVE

## Član 1.

Ovom Odlukom daje se saglasnost na Ljubljansku deklaraciju o odnosima između glavnih gradova i države.

## Član 2.

Ovlašćuje se gradonačelnica Grada Sarajeva, da u ime Grada Sarajeva potpiše Deklaraciju, iz člana 1. Odluke, prilikom učešća na Sastanku gradonačelnika svih glavnih gradova država-članica Europske unije, država-kandidata i država procesa proširenja EU, koji će biti održan 8. i 9. maja 2008. godine u Ljubljani.

## Član 3.

Sastavni dio ove Odluke je Ljubljanska deklaracija o odnosima između glavnih gradova i države.

## Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-1153/08  
29. aprila 2008. godine  
Sarajevo

Predsjedavajući  
Gradskog vijeća  
Marin Ivanišević, s. r.

LJUBLJANSKA DEKLARACIJA  
O ODNOSIMA IZMEĐU GLAVNIH GRADOVA I  
DRŽAVE

Gradonačelnici glavnih gradova država-članica EU, država-kandidata i EU država procesa proširivanja, su se sastali u Ljubljani,

potvrđujući da je naša zajednička želja i potreba da regulišemo način rada i organizaciju glavnih gradova, koji kao moderne metropole igraju važnu ulogu u daljem razvoju demokratije, i imaju odgovornost da štite ljudska prava, štite okolinu i čuvaju i razvijaju kulturu, obrazovanje, socijalno osiguranje i ekonomiju, uzimajući u obzir

već dogovorene orijentacije i pozicije sa prethodnih sastanaka gradonačelnika glavnih gradova i principe Europske Povelje o lokalnoj samoupravi, Europske Povelje o urbanim sredinama i Povelje iz Leipziga o održivim europskim gradovima, koji definišu u najvećoj mjeri neophodno funkcionisanje glavnih gradova,

se slažu, da posvete posebnu pažnju aktivnostima upravljenim ka dostizanju statusa za glavne gradove koji će im garantovati dovoljno prostora da ispunjavaju svoje lokalne i regionalne funkcije na odgovoran način, kao i solidnu finansijsku osnovu

koja će im garantovati dugoročnu stabilnost. U tu svrhu, mi sa ovim usvajamo sljedeće principe:

1. Glavni gradovi hitno trebaju ustavna ili zakonski propisana poboljšanja normativnog regulisanja njihovog statusa i pozicije koja bi im omogućila najveći nivo samouprave i autonomije.
2. Glavnim gradovima, u pogledu njihove veličine (u poređenju sa drugim gradovima u datoj državi) treba biti garantovan poseban položaj, sa tačke gledišta lokalne samouprave, zbog specijalnih zahtjeva koje imaju u administrativnim i drugim pitanjima.
3. Glavni gradovi također trebaju imati poseban položaj sa tačke gledišta prenesenih nadležnosti sa države na lokalnu zajednicu, jer oni obavljaju nekoliko uloga (općine, provincije) i određene uloge države.
4. Očigledna je potreba za efikasnim sistemom finansiranja glavnih gradova, tako što će im biti zagantovani njihovi vlastiti izvori prihoda. Samo na ovaj način glavni gradovi mogu igrati svoju ulogu u efikasnom obezbjeđivanju javnih usluga i ubrzanom ekonomskom razvoju. Glavni gradovi u državama u kojima je u toku intenzivan proces tranzicije su najviše izloženi ekonomskoj transformaciji i prema tome moraju uspostaviti dobre infrastrukturne i dobre administrativne uslove za domaće i strane investitore.
5. Glavnim gradovima trebaju da budu obezbjeđena, zakonom propisana a ne na nivou (godišnjih) sporazuma, sredstva koja predstavljaju doprinos države pokrivanju troškova koje je napravio grad u obavljanju funkcija glavnog grada.
6. Glavni gradovi trebaju zakonski definisana sredstva namijenjena za određene projekte koji trebaju biti definisani zakonom (regulisanje određene urbane oblasti, očuvanje i povećavanje vrijednosti kulturnog, arheološkog i umjetničkog naslijeđa, garantovanje efikasne zaštite okoline, adaptacija transportne infrastrukture, razvoj univerziteta i institucija za naučna istraživanja, razvoj konferencijskih i trgovačkih sajamskih aktivnosti i regulisanje položaja međunarodnih institucija koje se nalaze u glavnom gradu).
7. Detaljna demarkacija nadležnosti na različitim nivoima vlasti je neophodna, uzimajući u obzir savremene potrebe glavnih gradova i savremene potrebe države. Potreba za intenzivnom međusobnom saradnjom za uspješan razvoj osnovnih ciljeva demokratije se također treba uzeti u obzir.

Ljubljana, 8. maja 2008. godine

## ODLUKU

O SUFINANSIRANJU KULTURNE MANIFESTACIJE  
OD POSEBNOG INTERESA ZA GRAD SARAJEVO I  
IMENOVANJU ČLANA ORGANIZACIONOG ODBORA  
MANIFESTACIJE XXVI INTERNACIONALNI  
FESTIVAL SARAJEVO "SARAJEVSKA ZIMA 2010"

## Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, XXVI Internacionalni festival Sarajevo "Sarajevska zima 2010", pod nazivom "WAT - World Art Tendency", koja će se održati u periodu od 07.02.-28.02.2010. godine, uz finansijske obaveze Grada Sarajeva u ukupnom iznosu od 110.000,00 KM.

## Član 2.

Sredstva iz člana 1. Odluke, namjenski se usmjeravaju za sufinansiranje troškova promocije Festivala, sufinansiranje troškova ceremonije otvaranja Festivala, sufinansiranje troškova ceremonije zatvaranja Festivala, te sufinansiranje administrativnih troškova pripreme Festivala.

## Član 3.

Sredstva se odobravaju iz Budžeta Grada Sarajeva za 2010. godinu sa pozicije 614300: Grantovi neprofitnim organizacijama: Projekti u oblasti kulture: Primjena Odluke o utvrđivanju i sufinansiranju kulturnih manifestacija od posebnog interesa za Grad Sarajevo.

## Član 4.

Za člana Organizacionog odbora manifestacije ispred Grada Sarajeva imenuje se:

1. IGOR KAMOČAJI, zamjenik gradonačelnika.

## Član 5.

Gradonačelnik Grada Sarajeva će sa organizatorom manifestacije zaključiti poseban ugovor kojim će se regulisati međusobna prava i obaveze.

## Član 6.

Za realizaciju ove Odluke zadužuje se gradonačelnik Grada Sarajeva.

## Općinsko vijeće

Na osnovu Poglavlja VI, člana 4.a) Ustava Federacije Bosne i Hercegovine ("Službene novine Federacije BiH", broj 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 32/07-ispavka i 88/08), člana 13. stav 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09) i člana 137. stav 6. Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža, na 11. redovnoj sjednici održanoj 04. februara 2010. godine, donijelo je

## ODLUKU

O IZMJENAMA I DOPUNAMA STATUTA OPĆINE  
ILIDŽA

## Član 1.

U Statutu Općine Ilidža ("Službene novine Kantona Sarajevo", broj 5/98) u članu 1. iza riječi "ovlašćenja i način rada organa Općine" dodaju se riječi: "međusobni odnosi organa Općine", a riječi "nadzor i zaštita lokalne samouprave" zamjenjuju se riječima "upravni nadzor".

## Član 7.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-190/10  
2. februara 2010. godine  
Sarajevo

Predsjedavajući  
Gradskog vijeća  
Prim. dr. Zeljko Ler, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08) i člana 12. Odluke o utvrđivanju i sufinansiranju kulturnih manifestacija od posebnog interesa za Grad Sarajevo ("Službene novine Kantona Sarajevo", broj 15/08), Gradsko vijeće Grada Sarajeva, na sjednici od 2. februara 2010. godine, donosi

## ODLUKU

O IZMJENAMA I DOPUNI ODLUKE O UTVRĐIVANJU  
I SUFINANSIRANJU KULTURNIH MANIFESTACIJA  
OD POSEBNOG INTERESA ZA GRAD SARAJEVO

## Član 1.

U Odluci o utvrđivanju i sufinansiranju kulturnih manifestacija od posebnog interesa za Grad Sarajevo ("Službene novine Kantona Sarajevo", broj 15/08), u članu 2. stav 1. iza alineje devet dodaju se nove alineje koje glase:

- Internacionalni muzički festival "Bosna"; 10.
- Izložba "Collegium Artisticum"; 11.
- "Balet Fest Sarajevo"; 12.

## Član 2.

Član 10. i član 11. se brišu.

## Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-193/10  
2. februara 2010. godine  
Sarajevo

Predsjedavajući  
Gradskog vijeća  
Prim. dr. Zeljko Ler, s. r.

## OPĆINA ILIDŽA

## Član 2.

Član 3. mijenja se i glasi: "Općina ima svojstvo pravnog lica sa pravima i obavezama propisanim Ustavom, zakonom i ovim statutom".

## Član 3.

O članu 4. iza riječi: "Bosnu i Hercegovinu" dodaju se riječi: "potpisanim u Parizu, 14. decembra 1995. godine."

## Član 4.

Član 5. mijenja se i glasi: "Granice područja općine idu katastarskim granicama naseljenih mjesta koja ulaze u sastav općine u skladu sa zakonom i drugim propisima kojima se određuju naseljena mjesta. Granice općine ucrtane su u katastarskom operatu koji se nalazi i čuva u Općini."

## Član 5.

Član 6. stav 2. briše se.

## Član 6.

Član 7. mijenja se i glasi:  
Službeni naziv općine je: općina Ilidža.  
U ravnopravnoj upotrebi je naziv: opština Ilidža.  
Sjedište Općine je u Ilidži, Butmirska cesta broj 12.

## III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-809/12  
29. maja 2012. godine  
Sarajevo

Predsjedavajući  
Gradskog vijeća  
Prim. dr. Željko Ler, s. r.

Na osnovu člana 26. stav (1) tačka 2. Statuta Grada Sarajeva ("Službene novine Kantona Sarajevo", broj 34/08) i člana 7. Odluke o spomenicima od značaja za Grad Sarajevo ("Službene novine Kantona Sarajevo", broj 12/11), Gradsko vijeće Grada Sarajeva, na sjednici održanoj 29.05.2012. godine, donijelo je

## ODLUKU

O POSTAVLJANJU SPOMEN PLOČE NA MJESTU  
POGIBIJE SENADA ŠEČEROVIĆA I DŽEVADA  
RESIĆA ISPRED KASARNE NA BISTRIKU

## Član 1.

Postavlja se privremeno - do donošenja Elaborata o spomenicima od značaja za Grad Sarajevo, spomen ploča na mjestu pogibije Senada Šećerovića i Dževada Resića ispred Kasarne na Bistriku kao spomenik od značaja za Grad Sarajevo.

## Član 2.

Spomen ploča se postavlja uz ogradni zid u ulici Hamdije Kreševljakovića broj 96 ispred kasarne na Bistriku, a prema priloženoj mikrolokaciji i idejnom rješenju koji su sastavni dio podnesene Inicijative.

## Član 3.

Podnosilac Inicijative za postavljanje spomen ploče je Općina Stari Grad Sarajevo. Podnosilac Inicijative će preduzeti sve aktivnosti na pribavljanju potrebnih saglasnosti i odobrenja za podizanje spomenika.

## Član 4.

Finansiranje postavljanja spomenika vrši Općina Stari Grad.

## Član 5.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-814/12  
29. maja 2012. godine  
Sarajevo

Predsjedavajući  
Gradskog vijeća  
Prim. dr. Željko Ler, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), i člana 12. Odluke o utvrđivanju i sufinansiranju kulturnih manifestacija od posebnog interesa za Grad Sarajevo ("Službene novine Kantona Sarajevo", broj 15/08 i 3/10), Gradsko vijeće Grada Sarajeva, na sjednici održanoj 29.05.2012. godine, donijelo je

## ODLUKU

O IZMJENI I DOPUNI ODLUKE O UTVRĐIVANJU I  
SUFINANSIRANJU KULTURNIH MANIFESTACIJA OD  
POSEBNOG INTERESA ZA GRAD SARAJEVO

## Član 1.

U Odluci o utvrđivanju i sufinansiranju kulturnih manifestacija od posebnog interesa za Grad Sarajevo ("Službene novine Kantona Sarajevo", broj 15/08 i 3/10), u članu 2. stav 1. alineja 7. "Teatar fest" se briše, dosadašnje alineje 8., 9., 10., 11., 12., postaju alineje 7., 8., 9., 10., 11., i dodaju se nove alineje 12., 13., 14., 15. koje glase:

- "Pop-Rok festival";
- "Evropski festival dizajna";
- "Oni su najbolji";
- "Sarajevske večeri muzike - SVEM".

## Član 2.

Finansiranje manifestacije "Pop-Rok festival" u 2012. godini vršit će se sa pozicije "Dani Grada Sarajeva", manifestacije "Evropski festival dizajna" i "Sarajevske večeri muzike - SVEM" sa pozicije "Primjena Odluke o uslovima i postupku prihvatanja pokroviteljstva Grada Sarajeva", a manifestacije "Oni su najbolji" sa pozicije "Primjena Odluke o utvrđivanju i sufinansiranju kulturnih manifestacija od posebnog interesa za Grad Sarajevo".

## Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-818/12  
29. maja 2012. godine  
Sarajevo

Predsjedavajući  
Gradskog vijeća  
Prim. dr. Željko Ler, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), te člana 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo ("Službene novine Kantona Sarajevo", broj 15/08 i 3/10), Gradsko vijeće Grada Sarajeva, na sjednici održanoj 29.05.2012. godine, donijelo je

## ODLUKU

O SUFINANSIRANJU KULTURNE MANIFESTACIJE  
OD POSEBNOG INTERESA ZA GRAD SARAJEVO I  
IMENOVANJU ČLANA ORGANIZACIONOG ODBORA  
MANIFESTACIJE "51. SARAJEVSKI DANI POEZIJE"

## Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, "51. Sarajevski dani poezije" koji će se održati u periodu od 22.05.-27.05.2012. godine, uz finansijske obaveze Grada Sarajeva u ukupnom iznosu od 30.000,00 KM.

## Član 2.

Sredstva iz člana 1. Odluke, namjenski se usmjeravaju za sufinansiranje dijela troškova autorskih honorara za učesnike i sufinansiranje troškova hotelskog smještaja za učesnike.

## Član 3.

Sredstva se odobravaju iz Budžeta Grada Sarajeva za 2012. godinu sa pozicije 614300: Grantovi neprofitnim organizacijama: Projekti u oblasti kulture: Primjena Odluke o utvrđivanju i sufinansiranju kulturnih manifestacija od posebnog interesa za grad Sarajevo.

## Član 4.

Za člana Organizacionog odbora manifestacije ispred Grada Sarajeva imenuje se:

1. Benjamin Išović, savjetnik gradonačelnika.

## Član 5.

Gradonačelnik Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

## Član 6.

Za realizaciju ove Odluke zadužuje se gradonačelnik Grada Sarajeva.

## Član 7.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-819/12  
29. maja 2012. godine  
Sarajevo

Predsjedavajući  
Gradskog vijeća  
Prim. dr. Željko Ler, s. r.